

AD
Sereniss. & Potentissimum
ROMAN. IMPER.
FERDINANDUM III.

Sereniss. ac Potentiss.
REGIS SVECIAE
CAROLI
GUSTAVI,
LITERÆ,


In quibus exponuntur causæ susceptæ nuper
Polonicae expeditionis.

ANNO 1655.

Dar H. Bukowskiego z Litzkohnu

Nr 1698.





*Serenissime & Potentissime Imperator, Domine
Frater, Consanguinee & Amice charissime,*



Htsi non dubitamus, quin M.^{tas} V.^{ta} jam diu ex
Residente suo in aula nostra haftenus commo-
rante, cognoverit, cui fini apparatus armorum
in Regno & Provinciis nostris ultra solitum pro-
ximè præteritis mensibus institutum destinaveri-
mus: suadent tamen amicitia & vicinitatis leges,
ut Maj.^{ti} V.^{re}, occasionem, & causas actionis, quam nunc contra
Regem Poloniae aggredimur, etiam literis aperiamus. Intercescit
jam diu inter Antecessores nostros Reges Sveciae ex una, & Polo-
niae Reges ex altera parte controversia: quæ quia in herba non po-
tuit sopiri, bellis satis diuturnis & gravibus utramq; gentem impli-
cuit, & tandem unâ cum Sveciae sceptro ad nos est devoluta: sed
tamen cum quadam armorum cessatione, ita ut, cum gubernacula
Regni susciperemus, ex induciis anni circiter sex restarent. A no-
bis itaq; rerum in Svecia potitis, muneris nostri ratio exigebat per-
videre, quid haftenus durantibus induciis inter utraque Regna ac-
tum, & quo loco res utrinq; tum essent: ne dum & animi nostri
inclinatione, & ex lege Conventionis Stummsdorffienfis conserva-
tioni induciarum, paci q; perpetuæ faciendæ religiosè consulueri-
mus, præter spem triticis inevitabilibus, & bello exitiali involvere-
mur. Ut autem tota hæc res eò melius intelligatur, considerandum
venit, quod inter alia dictis induciarum pactis conventum sit, pri-
mò ut ex Regno Poloniae, Magno Ducatu Lithuaniae, & cæteris
ditionibus Polonicis, nullæ molitiones, i.e. dum hostiles actiones
tentarentur adversus Reges, & Regnum Sueciae: Deinde, ut Rex,
& Respublica Poloniae, adversus Regem, & Regnum Sueciae nulla
classe

177486
Ib

classe utatur, vel aliis quibuscunq; auxilio submittat: tertio, ut currentibus induciis agatur de pace perpetua, ita tamen, ut si tractatus ejusmodi semel aut iterum non successerit, firmæ nihilominus, & inviolabiles manerent induciæ. Quod contra expressas hæc pacti conditiones, Polonia Rex Uladislaus nunc hostilem irruptionem in Livoniam, sive conniventia, sive auxilio promoverit: nunc alibi aliorum nobis tum infesta arma adjutaverit: nunc Sueciæ à Dania cessam, & debitam Insulam Oseliam subtrahere, & quocunq; alio modo ex amicis inimicos, & hostes Sueciæ reddere, imò subditos ad defectionem sollicitare annisus sit: ita omnibus vicinis tam ex rerum notorietate, quam publicis scriptis nota sunt, ut uberiori deductione nunc non egeant. Nos nostris temporibus propiora partim ludibria, partim damna, & quidem nobis ipsis, & Regno nostro à moderno Polonia Rege, sub specioso pacis simulacro præparata, & jamjam imminetia exitiola consilia paucis commemorabimus. Cum honoratissima nostra Mater, & Consanguinea, Seren. & Potentiss. Sueciæ Regina Christina, post mortem Regis Polonia Uladislai rogaretur, ut fratres ejusdem Principes superstites, Johannem Casimirum, & Carolum Ferdinandum commendaret Senatui, & Ordinibus Polonia Magnique Ducatus Lithuania, quò eorum cum primis ratio in Electione novi Regis haberetur: id equidem pro ambobus singulari cura fecit, & cum primis Principis Johannis Casimiri, ut ætate provectioris, promotioni omnem suam operam & studium accommodavit: hoc sibi emolumentum exinde expectans, ut vel ipse Princeps Johannes Casimirus, ad Regiam dignitatem evectus, tantò sincerius ad perpetuam pacem æquis conditionibus faciendam excitaretur: vel si eam negligeret, Orbi tamen constaret, quantum heroica mens propinquo sibi sanguini tribuisset. Verum enim verò quam Johannes Casimirus Princeps commendationis causa venerabatur, eandem postea Coronam Polonia insignitus, contra pactorum præscriptum, debito Coronæ honore afficere detrectabat. In ipsis induciarum pactis expressa est mutua titulaturæ ratio, quæ, ceu fundamentum, cessationi armorum substructa, utrinq; postea erat obser-

vanda; idq; in Tractatu Stumdorffensi ratione Poloniae, ejusdem
primarius Commissarius, datis literis ad Sueciae partis primum
Commissarium, testatum fecit, confirmantibus insuper id ipsum,
non modo Regis Angliae, & ordinum uniti Belgii Legatis, sed ipso
etiam usu. Hanc mutuae correspondentiae basin subiturus hodiernus
Rex Poloniae, vel non dedit aememoratae Reginae titulos, stylo
pactorum congruentes, usus Gallico sermone, a titulorum conge-
rie alieno; vel in Latinis literis, & scriptis titulum quidem Regni Sue-
ciae ei attribuit, sed sibi & titulos & insignia Regni Sueciae reservan-
do, idq; nunc in literarum, & procuratoriorum scriptura, nunc in
Sigillorum partim integra structura, partim eorundem sive incru-
stationibus, sive involucris. Cum Mediatorum interuentu Lube-
censes bini congressus ad pacem perpetuam constituendam essent
decreti institutique: primum & praeipuum obstaculum tam salu-
tari proposito objecit Rex Poloniae, in debitum sibi titulum Sueciae
usurpatione. Nam praeterquam quod Polonici Commissarii ibi
producebant plenipotentias variis vitiis refertas, etiam Rex Polo-
niae in iisdem ipsis Plenipotentis sibi titulum Regis Sueciae retinuit.
Et cum inculcatum satis esset, talia praedictum afferre conventio-
ni, usitato stylo, & tractatus tum praesentis initio progressuq; Com-
missarii Polonici, agnoscere errorem, fidem dant Regis Christiani-
ssimi Legato, intra tres, vel ad maximum quatuor hebdomadas,
Sueciae Commissariis iri satisfactum. Verum tantum abest, ut ex
condicto emendatas retulerint Plenipotentias, ut post longi tem-
poris jacturam, tandem sint caussati, se non fuisse ausos compella-
re Rugem suum super tituli Suecici omissione. Huic irritum con-
gressui successit alter ejusdem modi & eventus. Nam tum quidem
Rex Poloniae in Procuratorii scriptura titulis Sueciae abstinebat;
verum retinuit eosdem, & Regni Sueciae Insignia in ipso sigillo,
plenipotentiae adnexo. Paratis Sueciae Commissariis expectare e-
mendationem sigilli, ut ita integris Procuratoriis rem sibi proposi-
tam aggredierentur: tandem aliquando responderetur, Regem Po-
loniae, Cosakis debellandis occupatum, vix admissurum hanc sigil-
li mutationem; & si illuc induci posset, non habiturum illic locum
arti-

artificem, novo sigillo cōficiendo idoneum: adeò ut ob hanc tergiverſationem alter congreſſus ſit abruptus, & honoratiſſimæ noſtræ Matri & Conſanguineæ, tum Sueciæ imperanti, ſatis ſuperque patuerit, Regem Poloniæ mutatis tantum ludificationibus tempus trahere, & inſidiari ejusmodi occaſioni, qua rebus domi compoſitis Sueciæ poſſit imminere. Cum altememorata, & honoratiſſima noſtra mater ſuperiori anno rerum in Suecia adhuc potiretur, & miſſus tum illuc nomine Regis Poloniæ internuncius Canaſihles conteſtaretur, Regem ſuū & Rempublicam Poloniæ velle Legatos ſuos plena cum poteſtate Stockholmiā ablegare, de toto negotio tranſacturos: eidem Polonico Delegato, nos illico poſt ſuſceptum Regni ſceptrum, per noſtrum Regniq; noſtri Cancellarium fecimus ſignificari: Nos equidem teneri ſingulari deſiderio cōponendi hæc diuturna & cruenta diſſidia; ſed antecedentium tractatum veſtigiiſ admonitos, vereri vel ingeſta hæcenus ludibria & injurias, vel rerum inanes & eluſorias procrastinationes: à parte Sueciæ abundè eſſe ſatiſfactum pactis induciarum, quòd ſemel atq; iterum in primo Lubecenſi congreſſu ludibria Regis Poloniæ tolerata ſunt: Quòd verò tam ſolenniter per primi congreſſus acta admonitus idem Rex, ſuſtinuerit tamen in altero repetitis vicibus in ejus uſq; finē priori ludificationi inſiſtere: id vel patientiſſimi Principis animū læderet. Si Regi Poloniæ cordi eſſet ſolida, & duratura pax, miſſis non neceſſariis & præjudicioſis miſſitationib., citò & ſine ambagibus per ſuos, & Reip. Plenipotentiarios in rem præſentem veniret, experturus in omnibus æquanimiſtatem noſtram: ſi pergeret in propoſito ſuo, mittentis ſcil. ad decipiendum Nos, Orbemq; univerſum internunciis, literiſq; juribus & dignitati noſtræ Regiæ derogantibus, non poſſe nos, tot documentis edoctos, aliud de illius actionib. judicium ferre, quàm Regem Poloniæ ſuſq; deq; habere ſacroſanctam pactorum fidem. Hiſce tamen ſpretis venit præterita hyeme in Sueciam, non Legatio aliqua Polonica cū plena poteſtate: ſed, ut ipſe præ ſe ferebat, præliminaria, ratione loci, & temporis ad futurū congreſſum complanaturus, Regius Cubiculatiſ Morſteiniſ. Apographum literarum fidei, à Rege Polo-

nix ad nos directarum continebatur quidem titulos utriq; nostrum convenientes: sed Rex Poloniae, ut imaginarium illud Jus, quod in Regnum nostrum prætendit, aliqua ratione expunctis jam titulis Sueciae, reservaretur, in fine literarum adscripsit sibi plura Regna, quum tamen uno tantum gaudeat: ut nihil nunc addamus de intermissa una ex pactorum præscripto, & stylo inferenda etceteratione: quo etiam defectu Regum æqualitati derogatum ibat. Non potuimus non ægrè ferre, nobis post sincera illa monita, quibus Canasihles dimittebatur, ita adhuc illudi. Qui sine præjudicio rem considerat, deprehendet, non levi, & minutulam interpungendi rationem hic verti: sed injusta plurium Regnorum vindicatione, quasi gravi ictu, concuti, & Regiam nostram coronam, & fundamentum pactorum, præcisè planè spe futuræ transactionis. Passi itaq; sumus, ut nostri Regniq; nostri Senatores apud Senatum Poloniae super hac indignitate quærentur. Interea, & dum hæc agitantur, ex variis locis certiores reddimur eundem Regem Poloniae non modo superius indigitatæ Suecicorum subditorum defectioni in Livonia magno studio insudasse: sed pacandis etiam Cosakis Livoniam prædam & sedem jam diu offerre. Et quod Nos, Regnum, Provincias & subditos nostros quàm maximè afficit, eo ipso tempore, quo Rex Poloniae apud Nos videri vult seriò agere de pace: vicinos, & Amicos nostros, præsertim mare Balthicum vel accolentes vel frequentantes, ad communem societatem, nobis exclusis, pellicere, & concepta jam fœderis formula peregrinam classem dicto mari, in manifestum & irreparabile juris & rationum nostrarum præjudicium, inferre satagit. Qui vel non satis consideratis partium rationibus & rerum circumstantiis, vel Poloniae addictiores de suprà dictis ultimis incidentibus judicium ferre deprehenduntur: ingerunt, tam graves querelas vigore pactorum, & induciis salvis, ab utriusque partis Commissariis, loco aliquo ad Livoniae fines, debuisse ventilari, decidi & sopiri. Niteretur hæc eorum objectio aliqua juris specie, si Polonia tum, cum vel Senatores Sueciae, vel armorum Suecicorum Ductores, aliiq; Ministri sapius questi sunt de Poloniae Regum molitionibus, & hostilibus attentatis

tis adversus Sueciam, Commissionem talem, medendis justis Sue-
cia querimoniis, vel semel serio procurasset. An Rex celaverit Se-
natum, & Ordines querelas Suecia, vel ipsa Respublica se talium
consiliorum participem fecerit, nunc non inquirimus. Hoc tamen
certum est, Suecia querelis quandoq; responsum esse, vel facti ex-
tenuatione, vel ejusdem ignorantia; quandoq; nihil responsi rela-
tum est. Nemo à partium studio alienus judicaverit, consiliis, ani-
misq; Polonorum ita comparatis, esse ere & decore Regum Sue-
ciae commissiones à Regibus Poloniae emendicare. Et quis Com-
missionum, ad Livoniae fines instituendarum, alium sibi eventum,
quàm habuere binæ illæ Lubecenses, præfiguraret? Nam in ejus-
modi Commissionibus nihil, quod summam rei concernat, potest
agi absq; plenipotentis, & Lubecæ protulerunt Poloni vitiosissi-
mas. Quum itaq; Poloniae Rex legitimis transigendi modis spre-
tis ludibria ludibriis cumulet, floceique faciens damna antea Sue-
ciae illata, nunc ultimum Status nostri jugulo exitium admovere
paret, M.^{ti} V.^{re} perpendendum relinquimus, quid ipsa in talire-
rum articulo sibi faciendum judicaret. Nos frustra tentatis omni-
bus mitioribus, & pactorum tenori conformibus remediis, id de-
mum quod tutandis vindicandisque nostris juribus, conservandæ
dignitati, & protegendis subditis, ditionibusque nostris, divina no-
bis Majestas concedidit, arripere sumus coacti. Quæ omnia &
singula vel ideò M.^{ti} V.^{re} nunc paulo fusius exponimus, ut ipsa non
modò hujus nostri contra Regem Poloniae facti rationes penitus
videat: sed simul etiam certior reddatur, Nos velle non modo pa-
cem, Osnabrugis & Monasterii VVestphalorum factam, ea cura
qualem data fides, & pactorum religio requirunt, servare, sed præ-
terea etiam nihil eorum intermittere, quæ ad bonam amicitiam, &
correspondentiam facere videbuntur. Quibus Maj.^{tem} V.^{ram} Divi-
nae tuitioni peramanter commendamus. Dabantur VVolgastii die
18. Julii 1655.

Majestatis Vestrae

Bonus Frater Consanguineus & Amicus
Carolus Gustavus.

M. Biörenklou.

[Faint, illegible text, likely bleed-through from the reverse side of the page.]

M. B. V. 1812

Book of the
Carolinean

M. B. V. 1812